

佛說尸迦羅越六方禮經

二百七十六  
澄九



佛說尸迦羅越六方禮經九

澄

後漢沙門安世高譯 長阿含善生經別譯

佛在王舍國鷄山中時有長者子名尸迦羅  
越早起嚴頭洗浴著文衣東向四拜南向四  
拜西向四拜北向四拜仰向四拜向地四拜  
佛入國分衛遙見之往到其家問之何為六  
向拜此應何法尸迦羅越言父在時教我六  
向拜不知何應今父喪亡不敢於後違之佛  
言父教汝使六向拜不以身拜尸迦羅越便  
長跪言願佛為我解此六向拜意佛言聽之  
內著心中其有長者黠人能持四戒不犯者  
今世為人所敬後世生天上者不殺諸群



生二者不盜三者不愛他人婦女四者不妄  
言兩舌心欲貪媼恚怒愚癡自制勿聽不能  
制此四意者惡名日聞如月盡時光明稍冥  
能自制惡意者如月初生其光稍明至十五  
日盛滿時也佛言復有六事錢財日耗減一  
者喜飲酒二者喜博掩三者喜早卧晚起四  
者喜請客亦欲令人請之五者喜與惡知識  
相隨六者憍慢輕人犯上頭四惡復行是六  
事妨其善行亦不得憂治生錢財日耗減六  
向拜當何益乎佛言惡知識有四輩一者內  
有怨心外強爲知識二者於人前好言語背  
後說言惡三者有急時於人前愁苦背後歡

喜四者外如親厚內與怨謀善知識亦有四  
輩一者外如怨家內有厚意二者於人前直  
諫於外說人善三者病瘦縣官爲甚怔忡憂  
解之四者見人貧賤不棄捐常念求方便欲  
富之惡知識復有四輩一者難諫曉教之作  
善故與惡者相隨二者教之莫與喜酒人爲  
伴故與嗜酒人相隨三者教之自守益更多  
事四者教之與賢者爲友故與博掩子爲厚  
言知識亦有四輩一者見人貧窮悴之令治  
生二者不與人諍計校三者日往消息之四  
者坐起常相念善知識復有四輩一者爲吏  
所捕將歸箴匿之於後解決之二者有病瘦

將歸養視之三者知識死亡棺斂視之四者  
知識已死復念其家善知識復有四輩一者  
欲鬪止之二者欲隨惡知識諫止之三者不  
欲治生勸令治生四者不喜經道教令信喜  
之惡知識復有四輩一者小侵之便大怒二  
者有急倩使之不肯行三者見人有急時避  
人走四者見人死亡棄不視佛言擇其善者  
從之惡者遠離之我與善知識相隨自致成  
佛佛言東向拜者謂子事父母當有五事一  
者當念治生二者早起勅令奴婢時作飯食  
三者不益父母憂四者當念父母恩五者父  
母疾病當恐懼求醫師治之父母視子亦有

五事一者當念令去惡就善二者當教計盡  
疏三者當教持經戒四者當早與娶婦五者  
家中所有當給與之南向拜者諸弟子事師  
當有五事一者當敬歎之二者當念其恩三  
者所教隨之四者思念不厭五者當從後稱  
譽之師教弟子亦有五事一者當令疾知二  
者當令勝他人弟子三者欲令知不忘四者  
諸疑難悉爲解說之五者欲令弟子智慧勝  
師西向拜者謂婦事夫有五事一者夫從外  
來當起迎之二者夫出不在當炊蒸掃除待  
之三者不得有媿心於外夫罵言不得還罵  
作色四者當用夫教識所有什物不得蔽匿

五者夫休息善截乃得卧夫視婦亦有五事  
一者出入當敬於婦二者飯食之以時節與  
衣被三者當給與金銀珠璣四者家中所有  
多少悉用付之五者不得於外邪畜傳御比  
向拜者謂人親屬朋友當有五事一者見之  
作罪惡私往於屏處諫曉呵止之二者小有  
急當奔趣救護之三者有私語不得爲他人  
說四者當相敬歎五者所有好物當多少分  
與之向地拜者謂大夫視奴客婢使亦有五  
事一者當以時飯食與衣被二者病瘦當爲  
呼醫治之三者不得妄搥捶之四者有私財  
物不得奪之五者分付之物當使平等奴客

婢使事大夫亦有五事一者當早起勿令大夫呼二者所當作自用心爲之三者當愛惜大夫物不得棄捐乞旬人四者大夫出入當送迎之五者當稱譽大夫善不得說其惡向天拜者謂人事沙門道士當用五事一者以善心向之二者擇好言與語三者以身敬之四者當戀慕之五者沙門道士人中之雄當恭敬承事問度世之事沙門道士當以六憶視凡民一者教之布施不得自慳貪二者教之持戒不得自犯三者教之忍辱不得自恚怒四者教之精進不得自懈慢五者教人一心不得自放意六者教人黠慧不得自愚癡

沙門道士教人去惡為善開示正道恩大於  
父母如是行之為如汝父在時六向拜之教  
也何憂不富乎尸迦羅越即受五戒作禮而去  
佛說唄偈

鷄鳴當早起  
兩手奉花香

被衣來下牀  
佛尊過諸天

澡漱令心淨  
鬼神不能當

佞頭遶塔寺  
譬如樹無根  
採華者日中  
命過復何言  
犯過不自覺  
何時有出期

义手禮十方  
根斷枝葉落

賢者不精進  
何時當復連

能有幾時鮮  
人當慮非常  
命過為自欺  
賢者受佛語

放心自縱意  
對來無有期  
今當入泥犁  
持戒慎勿疑

佛如好華樹

無不愛樂者

處處人民聞

一切皆歡喜

令我得佛時

願使如法王

過度諸生死

無不解脫者

戒德可恃怙

福報常隨己

現法為人長

終遠三惡道

戒慎除恐畏

福德三界尊

鬼神邪毒害

不犯有戒人

墮俗生世苦

今速如電光

老病死時至

對來無豪強

無親可恃怙

無處可隱蔽

天福尚有盡

人命豈久長

父母家室居

譬如寄客人

宿命壽以盡

捨故當受新

各追所作行

無際如車輪

起滅從罪福

生死十二因

現身遊免亂

濟育一切人

慈傷墜眾邪

流没于深淵

勉進以六度

修行致自然

是故誓首禮

歸命天中天

人身既難得

得人復嗜欲

貪媮於意識

痛想無厭足

豫種後世栽

歡喜詣地獄

六情幸完具

何為自困辱

一切能正心

三世神吉祥

不與八難貪

隨行生十方

所生輒精進

六度為橋梁

廣勸無極慧

一切蒙神光

佛說尸迦羅越六方禮經九

澄

罽

亡上浪反

疋

忪上音正

棄

捐上音下

緣嗜音視

棺下力反

倩七音

餠二音

炊

蒸上音

吹下之

珠璣下居反

屏上音

搗下之

捶上陟瓜反

委反

反

